Eh dear, what a day!

Composed during a spell of particularly depressing weather.

Eh dear, what a day! Lashin rain an skies o grey! It seems these days that's aw we hae. Eh dear, what a day!

Torrents doon the gutters run. By jings, this weather's no much fun. When did we last see the sun? Eh dear, what a day!

Doon the street each wey ye look the road runs like a babblin brook, an glaury dubs ye've got tae jouk. Eh dear, what a day!

Dismiss me as a daft auld blether or juist ignore me if ye'd raither, but modern life's gey like the weather. Eh dear, what a day!

Weel, noo I've tellt ma tale o woe, an since impatience noo ye show, I'll shut ma mooth an let ye go. But eh dear, what a day!